

სსიპ - გორის მუნიციპალიტეტის სოფელ ქიწნისის საჯარო სკოლა

*შენობის დასრულების სამუშაოების -
სახელმწიფო ბიუჯეტის სახსრებით სსიპ - გორის მუნიციპალიტეტის სოფელ ქიწნისის საჯარო სკოლის
ოთახების კარებების მოწყობის სამუშაოების შესყიდვა*

გამარტივებული ელექტრონული ტენდერის
სატენდერო დოკუმენტაცია

სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

CPV - 45400000

2016 წელი
გორი, სოფელი ქიწნისი

ს ა რ ჩ ე ვ ი

1. ინსტრუქცია ტენდერში მონაწილეთათვის
2. საკვალიფიკაციო მოთხოვნები
3. ტექნიკური დოკუმენტაცია
4. ანგარიშსწორების პირობები
5. შესყიდვის ობიექტის ტექნიკური პარამეტრები
6. დამატებითი ინფორმაცია
7. მიწოდების პირობები და ვადები
8. ტექნიკური დოკუმენტაციის სახით ერთიან ელექტრონულ სისტემაში ასატვირთი დოკუმენტები და ინფორმაცია
9. სახელმწიფო შესყიდვების შესახებ ხელშეკრულების პროექტი
10. დანართი №2 – რეკვიზიტები
11. დანართი №3 - ინფორმაცია შესასრულებელი სამუშაოს საგარანტიო ვადის თაობაზე

შენიშვნა:

- შესასრულებელი სამუშაოს დეტალური აღწერილობა (დეფექტური აქტი) ერთიან ელექტრონულ სისტემაში ატვირთულია ცალკე ფაილად (დანართი №1) Excel-ის ფორმატში და ითვლება სატენდერო დოკუმენტაციის განუყოფელ ნაწილად;

1. ინსტრუქცია ტენდერში მონაწილეობის

- 1.1. სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. /ინსტრუქტაჟი შესაძლებელია ასევე იხილოთ: <http://procurement.gov.ge-ზე/>
- 1.2. გამარტივებულ ელექტრონულ ტენდერთან დაკავშირებულ ყველა დოკუმენტი ან/და ინფორმაცია წარმოდგენილ უნდა იქნას ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე.
- 1.3. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.4. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.5. პრეტენდენტს არა აქვს უფლება წარმოადგინოს ალტერნატიული წინადადება.
- 1.6. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეული ფასის წარმოდგენა დასაშვებია მხოლოდ ლარში.

2. საკვალიფიკაციო მონაცემების დამადასტურებელი დოკუმენტაცია არ მოითხოვება;

3. ტექნიკური დოკუმენტაცია

- 3.1. სატენდერო წინადადების ფასი;
- 3.2. სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;
- 3.3. საავანსო ანგარიშსწორება არ გამოიყენება;
- 3.4. სატენდერო წინადადების საერთო და ერთეული ფასის წარმოდგენა დასაშვებია მხოლოდ ლარში.
- 3.5. ტენდერში მონაწილე პრეტენდენტის მიერ 2014 წლის 1 იანვრიდან მოცემულ ტენდერში წინადადებების მიღების დასრულების დღემდე შესრულებული უნდა ჰქონდეს არანაკლებ 30000 ლარის ღირებულების მსგავსი ტიპის სამშენებლო-სარეაბილიტაციო სამუშაოები. აღნიშნულის დასტურად, პრეტენდენტმა ელექტრონულ სისტემაში უნდა ატვირთოს საბოლოო მიღება-ჩაბარების აქტები;
- 3.6. გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ზე მეტი სხვაობის შემთხვევაში, სატენდერო დოკუმენტაციით გათვალისწინებული ხარისხის, მასალებისა და მოწყობილობების საბაზრო ღირებულებისაგან მკვეთრი განსხვავებისას, მიმწოდებელმა უნდა დაასაბუთოს ფასწარმოქმნის ადეკვატურობა და ამ ფასად მიწოდების შესაძლებლობა. აღნიშნულის თაობაზე მიმწოდებელი ვალდებულია

უზრუნველყოს შესაბამისი დასკვნის წარმოდგენა, რომელიც გაცემულ უნდა იყოს ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ.

- 3.7. შესასრულებელი სამუშაოს საგარანტიო ვადის თაობაზე ვრცელდება დანართი №3-ის მიხედვით განსაზღვრული პირობები, შემსყიდველი ორგანიზაციისათვის მისაღები იქნება დანართ №3-ში მითითებული პირობების გაუმჯობესება პრეტენდენტის მიერ.

4. ანგარიშსწორების პირობები

- 4.1. ანგარიშსწორება მოხდება უნაღდო ანგარიშსწორებით ლარში;
- 4.2. მიმწოდებელთან ანგარიშსწორება განხორციელდება ფაქტიურად შესრულებული სამუშაოების მოცულობისა და ხარისხის დამადასტურებელი დოკუმენტის – საექსპერტო დასკვნის საფუძველზე, რომელიც გაცემულ უნდა იყოს ისეთი სუბიექტის მიერ, რომლის კომპეტენტურობა დადასტურებული და აღიარებულია, ერთის მხრივ, აკრედიტაციით, ხოლო, მეორეს მხრივ, საქართველოს კანონმდებლობით. საექსპერტო დასკვნის წარმოდგენის ვალდებულება მიმწოდებელს ეკისრება.
- 4.3. მიმწოდებელთან ანგარიშსწორება განხორციელდება მიმწოდებლის მიერ ხელშეკრულებაში მითითებულ საბანკო ანგარიშზე მიღება-ჩაბარების აქტის გაფორმებისა და მიმწოდებლის მიერ შესაბამისი საგადასახადო დოკუმენტაციის (სასაქონლო ზედნაღები ან ანგარიშფაქტურა) წარმოდგენიდან 10 (ათი) სამუშაო დღის ვადაში.

5. შესყიდვის ობიექტის ტექნიკური პარამეტრები

- 5.1. გამარტივებული ელექტრონული ტენდერის საშუალებით ქიწნისის საჯარო სკოლის კარებების მოწყობის სამუშაოების შესყიდვის სავარაუდო ღირებულებაა 4633 (ოთხი ათას ექვსას ოცდაცამეტი) ლარი;
- 5.2. შესასრულებელი სამუშაოს აღწერილობა და ჩამონათვალი იხილეთ მიმაგრებულ მასალებში (საპროექტო მოცემულობა და დეფექტური აქტი);

6. დამატებითი ინფორმაცია

ტენდერთან დაკავშირებით დამატებითი ინფორმაციის მიღება დაინტერესებულ პირებს შეუძლიათ სატენდერო კომისიის აპარატში - გორის მუნიციპალიტეტი, სოფელი ქიწნისი, ქიწნისის საჯარო სკოლა, მე-2 სართული.

საკონტაქტო პირი: სატენდერო პროცედურების შესახებ - რუსუდან თვაური (სკოლის დირექტორი) – 577 92 25 45;

7. მიწოდების პირობები და ვადები

- 7.1. კარებების მოწყობის სამუშაოები უნდა დასრულდეს ხელშეკრულების გაფორმებიდან 20 (ოცი) კალენდარული დღის ვადაში, მისამართზე – გორი, სოფელი ქიწნისი /სსიპ – გორის მუნიციპალიტეტის სოფელ ქიწნისის საჯარო სკოლა/.

აუცილებელი პირობები –

სამუშაოს შესრულების პროცესში გამოყენებული მასალების ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) უნდა შეთანხმდეს შემსყიდველთან;

8. პრეტენდენტებმა ტექნიკური დოკუმენტაციის სახით ერთიან ელექტრონულ სისტემაში უნდა ატვირთონ შემდეგი დოკუმენტები და ინფორმაცია:

- ა) რეკვიზიტები №2 დანართის მიხედვით;

ბ) *შესასრულებელი სამუშაოების ხარჯთაღრიცხვა* დეფექტური აქტის მიხედვით - პრეტენდენტის მიერ ერთიანი ელექტრონული სისტემის მეშვეობით (ტენდერის სტატუსი - „წინადადების მიღება დაწყებულია“ ეტაპზე) ხარჯთაღრიცხვის წარმოდგენლობა გამოიწვევს მის დისკვალიფიკაციას;

გ) *ინფორმაცია შესრულებული სამუშაოს საგარანტიო ვადის თაობაზე №3 დანართის მიხედვით, რომელიც არ უნდა იყოს კარებების მოწყობის სამუშაოებზე - 10 წელზე ნაკლები; შემსყიდველი ორგანიზაციისათვის მისაღები იქნება დანართი №3-ში მითითებული პირობების გაუმჯობესება პრეტენდენტის მიერ.*

დ) *ინფორმაცია მონაწილე პრეტენდენტის მიერ 2014 წლის 1 იანვრიდან მოცემულ ტენდერში წინადადებების მიღების დასრულების დღემდე არანაკლებ 30000 ლარის ღირებულების მსგავსი ტიპის სამშენებლო-სარეაბილიტაციო სამუშაოების შესრულების შესახებ.* აღნიშნულის დასტურად, თითოეულ შესრულებულ სამუშაოზე, პრეტენდენტმა ელექტრონულ სისტემაში უნდა ატვირთოს საბოლოო მიღება-ჩაბარების აქტები.

9. სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ერთის მხრივ, სსიპ – გორის მუნიციპალიტეტის სოფელ ქიწნისის საჯარო სკოლა (შემდგომში შემსყიდველი) წარმოდგენილი დირექტორის რუსუდან თვაურის სახით და მეორეს მხრივ, „-----“ (შემდგომში მიმწოდებელი) წარმოდგენილი დირექტორის ----- სახით, სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით, გამარტივებული ელექტრონული ტენდერის (სატენდერო განცხადების ნომერი SPA-----) საშუალებით, ვდებთ სახელმწიფო შესყიდვის შესახებ წინამდებარე ხელშეკრულებას.

1. ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ – ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი“ - ორგანიზაცია რომელიც ახორციელებს შესყიდვას;
- 1.4 „მიმწოდებელი“ - პირი, რომელიც ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში.
- 1.5 „დღე, კვირა, თვე“ - კალენდალური დღე, კვირა, თვე.
- 1.6 „ფორს-მაჟორი“ - მოცემულ შემთხვევაში აუცდენელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ მიწისძვრა, წყალდიდობა, ხანძარი, ომი, რევოლუცია, აჯანყება, იმპროტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

2. ხელშეკრულების საგანი

- 2.1 ხელშეკრულების საგანია: შენობის დასრულების სამუშაოების - სახელმწიფო ბიუჯეტის სახსრებით სსიპ - გორის მუნიციპალიტეტის სოფელ ქიწნისის საჯარო სკოლის ოთახებისთვის კარებების მოწყობის სამუშაოების (CPV: 45400000) შესყიდვა ამ ხელშეკრულებით გათვალისწინებული ანაზღაურების სანაცვლოდ.
- 2.2 შესასრულებელი სამუშაოს აღწერილობა და შესაბამისი ღირებულებები მოცემულია დეფექტური აქტის შესაბამისად შედგენილ და მიმწოდებლის მიერ ერთიანი ელექტრონული სისტემის მეშვეობით წარმოდგენილ ხარჯთაღრიცხვაში, რომელიც თან დაერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1 ხელშეკრულების საგნის საერთო ღირებულება შეადგენს ---- ლარს.
- 3.2 ხელშეკრულების საგნის საერთო ღირებულება მოიცავს მიმწოდებლის მიერ სამუშაოების შესრულებასთან დაკავშირებულ საქართველოს კანონმდებლობით გათვალისწინებულ ყველა სახის გადასახადსა და მოსაკრებელს.

4. მიღება – ჩაბარება და ანგარიშსწორება

- 4.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. შემსყიდველის მხრიდან მიღება-ჩაბარების აქტის და სამუშაოს შესრულების აქტის (ფორმა №2 და ფორმა №3) ხელმოწერაზე უფლებამოსილი პირია სკოლის დირექტორი რუსუდან თვაური.

4.2 მიღება-ჩაბარების აქტის საფუძველზე, მიმწოდებელი შემსყიდველს წარუდგენს სასაქონლო ზედნადებს ან საგადასახადო ანგარიშ-ფაქტურას.

4.3 შესყიდვის ობიექტზე მიღება-ჩაბარება გაფორმდება მიმწოდებლის მიერ ფორმა N2 და ფორმა N3 წარმოდგენისა და მასზე ექსპერტიზის დასკვნის შედგენის შემდეგ. ამასთან, დასკვნა გაცემული უნდა იყოს ისეთი სუბიექტის მიერ, რომლის კომპეტენტურობა დადასტურებული და აღიარებულია, ერთის მხრივ, აკრედიტაციით, ხოლო, მეორეს მხრივ, საქართველოს კანონმდებლობით.

4.4 საექსპერტო მომსახურების ხარჯების ანაზღაურებას უზრუნველყოფს მიმწოდებელი საკუთარი სახსრებით.

4.5. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე მიღება-ჩაბარების აქტის გაფორმებისა და წინამდებარე ხელშეკრულების 4.2 მუხლში მითითებული დოკუმენტაციის წარმოდგენიდან 10 (ათი) სამუშაო დღის ვადაში.

5. სამუშაოს შესრულების ადგილი და ვადა

მიმწოდებელი შესყიდვის ობიექტის მიწოდებას (კარებების მოწყობის სამუშაოების შესრულებას) უზრუნველყოფს ხელშეკრულების გაფორმებიდან 20 (ოცი) კალენდარული დღის ვადაში, შემსყიდველის მისამართზე – გორის მუნიციპალიტეტი, სოფელი ქიწნისი - სსიპ გორის მუნიციპალიტეტის სოფელ ქიწნისის საჯარო სკოლა.

6. მხარეთა უფლება-მოვალეობანი

6.1 შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) გამოითხოვოს მიმწოდებლისაგან ხელშეკრულების პირობების შესრულებასთან დაკავშირებული დოკუმენტები.

6.2 შემსყიდველი ვალდებულია აანაზღაუროს შესრულებული სამუშაოების ღირებულება ხელშეკრულებით გათვალისწინებული ვადაში და პირობებით;

6.3 მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4 მიმწოდებელი ვალდებულია:

ა) ჯეროვნად, კეთილსინდისიერად, დათქმულ დროსა და ადგილას, საქართველოში მოქმედი ყველა საჭირო ნორმის, სტანდარტისა და წესების მოთხოვნათა დაცვით შეასრულოს ხელშეკრულებით გათვალისწინებული ვალდებულებები;

ბ) მინიმუმამდე დაიყვანოს სამუშაოების შედეგად გამოწვეული ხმაურის, ვიბრაციის და მტვერის გავლენა;

გ) სამუშაოს შესრულებისას სრულად დაიცვას დადგენილი უსაფრთხოების წესები და მიიღოს შესაბამისი ზომები სკოლის ქონების, სკოლის მოსწავლეთა და თანამშრომელთა, ასევე, სამუშაოებში მონაწილე ყველა პირთა უსაფრთხოების უზრუნველსაყოფად;

დ) სამუშაოს შედეგად დარჩენილი დაზიანებული ადგილები დაამუშაოს შესაბამისად და მოიყვანოს პირვანდელ მდგომარეობაში;

ე) სამუშაოების პარალელურად, საკუთარი ძალებით და სახსრებით პერიოდულად გაათავისუფლოს სამუშაო ადგილი საშენებლო ნაგვისა და ნარჩენი მასალებისაგან;

7. ხელშეკრულების ინსპექტირების პირობები

7.1 ხელშეკრულებით გათვალისწინებული ვალდებულებების შესრულების ინსპექტირებას განახორციელებს/განახორციელებენ ხელშეკრულების გაფორმების მომენტისათვის შემსყიდველის მიერ განსაზღვრული პირი/პირები.

7.2 ინსპექტირება გულისხმობს მიმწოდებლის მიერ ხელშეკრულების შესრულების, აგრეთვე, შესრულებული სამუშაოს ხარისხის შემოწმებას.

7.2 ინსპექტირება გულისხმობს მიმწოდებლის მიერ მისაწოდებელი ან/და მიწოდებული შესყიდვის ობიექტის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენას.

7.3 მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით.

7.4 ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7.5 მიმწოდებელი ვალდებულია სამუშაოების შესრულების დროს გამოიყენოს მხოლოდ ის მასალები, რომელთა ხარისხი შეესაბამება საქართველოში მოქმედ და საერთაშორისო სტანდარტებსა და ნორმებს.

8. გარანტია

8.1 მიმწოდებელი იძლევა გარანტიას, რომ შესრულებული სამუშაო იქნება ხარისხიანი და დადგენილი სტანდარტების შესაბამისი.

8.2 საგარანტიო ვადა კარებების მოწყობის სამუშაოებზე შეადგენს 10 წელს; საგარანტიო ვადის განმავლობაში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი/გამოვლენილი დეფექტის/ნაკლის აღმოფხვრა, შეკეთება ან შეცვლა;

8.3 საგარანტიო ვადაში წარმოქმნილი ხარვეზი უნდა აღმოფხვრას შემსყიდველის შეტყობინებიდან გონივრულ ვადაში, მაგრამ არაუგვიანეს 15 (თხუთმეტი) დღისა.

8.4 მიმწოდებლის მიერ 8.3 პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს თითონ მიიღოს ზომები ნაკლის აღმოსაფხვრელად და მოსთხოვოს მიმწოდებელს შესაბამისი ხარჯების ანაზღაურება.

9. ფორს - მაჟორი

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია ფორს-მაჟორით.

9.2 თუ ერთ-ერთი მხარე ფორს-მაჟორის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. პირგასამტეხლო

10.1 თუ მიმწოდებელი ხელშეკრულებით განსაზღვრული ვადის ფარგლებში ვერ შეასრულებს ნაკისრ ვალდებულებებს, შემსყიდველი უფლებამოსილია:

ა) შეწყვიტოს წინამდებარე ხელშეკრულება და მიმწოდებელი ხელშეკრულების არაჯეროვანი შესრულებისათვის დააჯარიმოს ხელშეკრულების საერთო ღირებულების 10%-ის ოდენობით; ან

ბ) განუსაზღვროს სამუშაოს დასრულებისათვის დამატებითი ვადა არაუმეტეს 5 (ხუთი) კალენდარული დღისა, რა ვადაშიც მიმწოდებელი ყოველ ვადაგადაცილებულ დღეზე იხდის პირგასამტეხლოს ხელშეკრულების საერთო ღირებულების 0,02%-ის ოდენობით.

10.2. თუ შემსყიდველი დარწმუნდება, რომ შეუძლებელია შესასრულებელი სამუშაოს მოცულობის დასრულება ხელშეკრულებით განსაზღვრული ვადის ამოწურვამდე, იგი უფლებამოსილია ცალმხრივად, ვადაზე ადრე შეწყვიტოს ხელშეკრულება და მიმწოდებელი დააჯარიმოს ხელშეკრულების საერთო ღირებულების 10%-ის ოდენობით.

10.3. თუ კი მიმწოდებელი 10.1 მუხლის „ბ“ პუნქტით გათვალისწინებულ დამატებით ვადაშიც ვერ განახორციელებს სამუშაოს სრულად დამთავრებას, შემსყიდველი წყვეტს ხელშეკრულებას და მიმწოდებელი ხელშეკრულების არაჯეროვანი შესრულებისათვის დააჯარიმდება ხელშეკრულების საერთო ღირებულების 10%-ის ოდენობით.

11. ხელშეკრულებაში ცვლილების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულებაში ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.4 ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიმწოდებლის მიმართ დაიწყო გაკოტრების საქმის წარმოება;
- დ) საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების პირობების გადასინჯვის შესაძლებლობა

12.1. წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.2. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაწყვეტის წესი

13.1 ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. შეტყობინება

14.1 ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით ორიგინალის შემდგომში წარმოდგენით.

14.2 შეტყობინება ძალაში შედის ადრესატის მიერ მისი მიღების შემდეგ.

15. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლებისა და სხვა გადასახადების გადახდაზე.

16. ხელშეკრულების მოქმედების ვადა

16.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2016 წლის ----- ჩათვლით.

17. სხვა პირობები

17.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3 მესამე პირთან ურთიერთობაში მხარეები მოქმედებენ თავიანთი სახელით, თანხებით და რისკით.

17.4 ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი - შემსყიდველს.

17.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17.6 მიმწოდებლის მიერ სისტემის მეშვეობით წარმოდგენილი ინფორმაცია საგარანტიო ვადის თაობაზე თან ერთვის ხელშეკრულებას და წარმოადგენს მის განუყოფელ ნაწილს.

18. მხარეთა რეკვიზიტები

„შემსყიდველი“

„მიმწოდებელი“

დანართი №2

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის გვარი, სახელი:

პრეტენდენტის იურიდიული და/ან ფაქტობრივი მისამართი:

საიდენტიფიკაციო კოდი:

პრეტენდენტის საკომუნიკაციო საშუალებები: ტელეფონი, მობილური, ელ. ფოსტა.

ბანკის დასახელება:

ბანკის კოდი:

ანგარიშსწორების ანგარიში:

უფლებამოსილი პირი (თანამდებობა / სახელი, გვარი) -----

ხელმოწერა / ბეჭედი

(საჭიროების შემთხვევაში ატვირთულ უნდა იქნას მინდობილობა ან რწმუნებულება)

*ინფორმაცია შესრულებელი სამუშაოს საგარანტიო ვადის თაობაზე,
რომელიც არ უნდა იყოს*

- კარებების მოწყობის სამუშაოებზე - 10 წელზე ნაკლები;

საგარანტიო ვადის განმავლობაში მიმწოდებელი ----- ვალდებულია, საკუთარი ხარჯებით უზრუნველყოს გამოვლენილი დეფექტის/ნაკლის აღმოფხვრა, შეკეთება ან შეცვლა;

უფლებამოსილი პირი (თანამდებობა / სახელი, გვარი) -----

ხელმოწერა / ბეჭედი

(საჭიროების შემთხვევაში ატვირთულ უნდა იქნას მინდობილობა ან რწმუნებულება)